

UPA 2019/193:

Piniakkanik killilersukkanik ukiumi pisassiiffiusumi Qilalukkanik qernertanik Qilalukkanik qaqortanik aammalu Nannunik, ukiup qaammataani qaammatit marluk December-imi Januar-milu pisassiiffiujunnaartinneqarnissaannik Naalackersuisut peqquneqarnissaannik inatsisartut aaliangiiffisassaattut siunnersuut.

(Inatsisartunut ilaasortaq Karl-Kristian Kruse, Siumut)

UPA 2019/221:

Piniakkat killilersukkat Avanersuarmi Ittoqqortoormiini qilalukkat qernertat qaqortallu, aaveq aamma nanoq pillugit periarfissaqarnerseq misissuisoqassasoq, kiisalu sunik suliniutinik killilersuisoqarunnaarnissaa pillugu Naalackersuisut UPA2020-imut peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Jens Napätök', Partii Naleraq)

Akissuteqaat

(Aalisarnermut, Piniarnermut Nunalerinermullu Naalackersuisoq)

Siullermeerneqarnera

Inatsisartuni ilaasortaq, Karl-Kristian Kruse, Siumut taavalu Inatsisartuni ilaasortaq Jens Napätök', Partii Naleraq, piniakkanik killilersukkanik ukiumi pisassiiffiusumi qilalukkanik qernertanik qilalukkanik qaqortanik aammalu nannunik, ukiup qaammataani qaammatit marluk December-imi Januar-imilu pisassiiffiujunnaartinneqarnissaannik Naalackersuisut peqquneqarnissaannik inatsisartut aaliangiiffisassaattut siunnersuut, taavalu piniakkat killilersukkat Avanersuarmi Ittoqqortoormiini qilalukkat qernertat qaqortallu, aaveq aamma nanoq pillugit periarfissaqarnerseq misissuisoqassasoq, kiisalu sunik suliniutinik killilersuisoqarunnaarnissaa pillugu Naalackersuisut UPA2020-imut peqquneqarnissaannik Inatsisartut aalajangiiffisassaattut siunnersuutinu Naalackersuisut qujapput.

Naalackersuisut tamakkiisumik ilaannakortumilluunniit pisassiissutinik atuutsitsiunnaarneq nunatta pisuussutaannik akisussaaffeqartumik aqutsinertut isiginngilaat. Imarmiunik miluumasunik piniarneq piujuaannartitsinermik aallaaveqassaaq, ilaatigut piniagassat illersorneqarnernissaat pissutigalugu, ilaatigullu aamma piniartut siunissami inuussutissaanik isertitaqassutissaannillu qulakkeerinnissaq anguniarlugu, naggataatigullu minnerunngitsumilli Kalaallit Nunatta arfanniartartut nannunniartartutullu tatiginassuserput illersorniarlugu.

Kalaallit Nunaanni piniartut assigiimmik pineqarnissaat Naalackersuisut naalackersuinikkut pingaartitarivaat, tamannalu pingaarteqarluinnartut isigineqarpoq. Taamaattumik sumiifinni ataasiakkaani tamakkiisumik ilaannakortumilluunniit pisassiissutinik atuutsitsiunnaarneq tamanut assigiimmik sullissinermut tunngavimmut akerliussaaq.

Paasissutissanik nutaanik imaluunniit ilisimatuussutsikkut inassuteqaatinik nutaanik tigusaqarnerup kingornatigut Naalackersuisut pisassiissutit aalajangersariikkanik nalileeqqinnissamut periarfissaqartuaannarput. Maannakkuugallartumik Naalackersuisut paasissutissanik nutaanik nalileeqqinnissamut periarfissiisussanik tigusaqarsimangillat.

Pisassiissuteqartitsineq iluaqutaavoq uumasogatigiinnilu pitsaanngitsumik ineriartorneq ilorraap tungaanut saatinneqarsimalluni. Ilisimatuussutsikkut siunnersuisarnerit kingullit

malillugit Kalaallit Nunaata Kitaani sumiiffinni arlalinni 2015-imi qilalukkanik qaortanik qernertanillu pisassiissutit qaffariarput uumasooqatigiit amerliartornerannik peqquteqartumik. Taamaattumik pisassiissuseqartitseriaaseq pissusissamisoortutut illersorneqarsinnaasutullu isigineqarpoq. Pissasseeriaaseq ingerlalluortoq atuutsikkunnaassappat piniagassallu pisassiisqalermalli ineriartorluarsimanerat pitsaangitsup tungaanut saatinneqassaaq, ukiorpaalunni ilisimatuussutsikkut misissuilluni sulinerit milliuuninik arlariinnik nalillit atorluarneqassanngillat. Pisassiisarnermik tamakkiisumik ilaannakortumilluunniit atuutsitsiunnaarneq sumiiffinni piniagassat ikiliartornerannut ajornerpaassappallu nungusitaanerannulluunniit kinguneqarsinnaavoq, taamatullu iliuuseqarneq maannakkut siunissamilu kinguaariit atuisinnaanerat killilersorsinnaallugu.

Naalackersuisut erseqqissaatigeqqissavaat Avanersuarmi umimmannik, nannunik, qilalukkanik qaortanik, qilalukkanik qernertanik, aavernillu pisassiissutit siorna sinneqarmata. Tunumi umimmaat, aavernik tikaagullinnillu sinneqarput. Kalaallit Nunaata Kitaani qilalukkanik qaortanik, qilalukkanik qernertanik, aavernik, nannunik, tikaagulliusaanik, qipoqqanik arfivinnillu pisassiissutit sinneqarput. Sumiiffimmi tassani piniartut taamaalillutik isertitassaqarfinnik neqitigullu pilersuinissamat periarfissanik atorneqanngitsunik arlalinnik peqaraluarput atorluarnerusinnaasaminnik.

Naalackersuisut taamatut oqaaseqarlutik siunnersuutit tamarmik itigartinneqassasut inassutigaat.